

10067
=30



皇朝文獻通考卷四十四

國用考 率取

順治元年京城遭明末寇賊蹂躪之後其民居被

賜復半 淨米折銀悉以之

順治元年京城遭明末寇賊蹂躪之後其民居被

遷徙者免賦役三年被毀未遷者免一年大兵

廢經田未被傷者除本年田租之半河北府州縣

衛免租三之一其晉山大略英山雪山道

至甲免河南被寇額賦有差是年山西初復除本



年田租之半
嘉慶元年免江南漕三之一其潛山太湖英山霍山諸縣皆除之
五年以湖廣岳州辰州諸府為大兵所經宿處免職有差平京地數即未

詔順治十七年民間地丁逋賦勿收責

四年

詔除順治十八十九兩年逋賦

是年定蠲荒流抵恐惠不下逮令民登填布政司冊以禁濫收

康熙元年江西南昌新建豐城進賢奉新靖安五

縣浮米及浮米折銀悉除之

二年

詔順治十五年以前民欠銀米物料皆勿收責

四年

詔天下逋賦在順治十六十七十八等年者悉除之

十年

詔巡幸經歷通州以東至山海關免今年租

十九年免江南康熙十二年以前逋賦

二十三年

恩詔減江南江西浙江湖廣漕三之十一

二十四年

詔免河南湖北今年租及延十五年歲租之半直隸江南

被災之地二十四年秋冬二十五年春夏歲租悉

除之

二十五年免直隸順天永平保定河間四府四川

省貴州一省康熙二十六年額賦及今年賦之未入

南丁者湖廣福建二省二十六年秋冬二十七年春夏

出古額賦及二十五年賦之未入者亦如之

二十六年

諭免直隸正定順德廣平大名四府明年田租

二十六年

恩詔自用兵以來動用錢糧累年未清者皆予除洗又

諭免江蘇陝西省明年額賦其今年賦之未入者亦除之

二十七年

皇朝文獻通考

聖祖仁皇帝南巡

詔免江南安徽府屬去年田租並

諭令康熙十七年以前直省民欠漕銀米麥皆勿收責

又

諭曰朕南巡至江南境上所經宿遷諸處民生風景較前
次南巡稍加富庶朕念江南累年帶徵錢糧恐為民累
出京時曾詢戶部知全省積欠約有二百二十萬除江
南正項錢糧已與直隸各省節次蠲免外再將江南全
省積年民欠地丁一應錢糧屯糧蘆課米麥豆雜稅槩

予蠲免

是年以雲南供億

王師勞瘁免二十六年至二十七年通賦

三十年

諭曰朕撫御區宇三十年以來夙夜圖維惟以愛育蒼生

俾咸臻安阜為念比歲各省額徵錢糧業已次第蠲豁

其歲運漕米向來未經議免朕時切軫懷所有京通各

倉米穀樽節支給數載於茲今觀近年儲積之粟恰足

供用應將起運漕糧逐省蠲免以紓民力除河南省明

歲漕糧已頒諭免徵外湖廣江西浙江蘇安徽山東應輸漕米自康熙三十一年為始以次各蠲一年至江寧京口杭州荊州大兵駐防地方亦應豫行積貯將康熙三十一年起運三十年漕米各截留十萬石存貯倉廩以備需用

是年江西南昌等五府康熙二十二年至二十七年

王年帶徵通賦吉水縣二十七年以前各通賦悉予

放除又奉 兩湖總督

旨免湖南明年漕

三十四年免廣東化州瓊州等四州縣康熙十八

年至二十九年通賦

三十四年

諭曰朕念廣西四川貴州雲南四省皆屬邊地土壤磽瘠

民生艱苦與腹內舟車輻輳得以廣資生計者不同朕

時切軫懷數歲以來錢糧皆經次第蠲豁茲念育民之

道無如寬賦矧邊省地方非再沛優卹之恩則閭閻無

由充裕所有康熙三十三年四省應徵地丁銀米著通

行蠲免

皇朝文獻通考 卷四十四 五

行諭三十二年免江南邳州康熙二十四年至二十七
由六年通賦並免直隸安州等十一州縣明年田租

詔免河南康熙三十三三十四年通賦

且三十五年免天下漕賦銀米宿通又以直隸宣化

日朔山西大同及陝西省因征厄魯特噶爾丹供億大

兵免明年田租

三十六年免山西甘肅明年田租及陝西榆林等

沿邊州縣衛今年租又免蘇松等府州康熙十八

年至二十七年通賦

聖祖仁皇帝八年

聖祖仁皇帝幸江南浙江康熙三十四五六年通賦悉予

放除又

諭曰朕巡省民生風俗南至江浙茲已返蹕行經山東沿

途見父老諮詢農事幸今歲雨暘時若二麥繼登小民

可以無憂粒食但前年被災泰安等二十七州縣生計

尚未豐盈宜更加恩休養所有康熙三十六年未完地

丁銀米均著免徵

是年免湖廣康熙三十九年甘肅四十一年各田

租直隸薊州康熙三十三年退地逋負江

南淮揚三十場竈戶康熙三十七八年鹽課皆止

勿責

四十四年免安徽明年租又以秦省不通水運河

西地尤貧瘠悉除明年田租

四十二年

聖祖仁皇帝幸山西除山西去年逋賦

是年免山東河南雲南貴州廣西四川明年田租

浙江康熙四十四年田租

諭免亦如之其江南睢寧縣康熙三十七八九年邳州四

十年各逋賦並山東積逋之在民者皆勿收責

四十四年免湖北湖南明年租其帶徵宿負並停

輸納

是年

諭嗣後蠲免新糧之年停徵舊欠俟次年徵輸

四十五年以舊稅新徵勢難兼辦分年帶輸仍各

拮据

諭免天下逋賦直隸康熙四十一年至四十二年銀八萬
二千七百兩糧五千九百石山東康熙四十二年
銀一百六十九萬千七百兩糧五千九百石山西
陝西甘肅江蘇安徽江西浙江湖北湖南廣東康
熙四十三年以前銀二百十有二萬二千七百兩
糧十萬五千七百石各有奇悉予放除其已入者
作本年正賦

四十七年免江南明年田租

四十九年

諭曰朕比年省方時滿心已闕七省南北人民風俗及日用

生計靡不周知而臣民所以未盡殷阜者良由承平既久

戶口日繁地不加增而產不加益食用不給理有必然朕

洞燭此隱時深軫念爰不靳敷仁用甦民力明年爲康

熙五十年原欲將天下錢糧一槩蠲免因廷臣集議恐

各處兵餉撥解之際小兵民驛遞益致煩苦細加籌畫悉

以奏聞故自明年始於三年以內通免一周俾遠近均

沾德澤直隸奉天福建浙江廣東廣西四川雲南貴州

各巡撫及府尹所屬除漕項錢糧外五十年應徵地畝

銀共七百二十二萬六千一百兩有奇均予豁免並累年舊欠共一百十有八萬五千四百兩有奇亦著免徵其五十一年五十二年應蠲省分至期候旨行

是年奉

旨免江南淮揚徐三府淮徐泰三衛田租其湖廣康熙五

十一年田租四十八九年逋賦

盛京奉錦承德等府州明年租穀並予放除

五十年免福建臺灣府明年租穀

稻穀例不入蠲而臺灣有穀無銀時奉普蠲之令

兩廣巡撫黃秉中以爲言

上以歲租已入

諭除明年租

五十年欠賦二百四十八萬三千八百二十八

諭曰朕宵旰孜孜勤求民瘼永維惠下實政無如除賦蠲

租除每歲直省報聞偶有水旱災傷照輕重分數蠲免

正供仍加賑卹外將天下地丁錢糧自康熙五十年爲

始三年之內全免一周使率土黎庶普被恩膏除將直

隸奉天浙江福建廣東廣西四川雲南貴州及山西河

皇朝文獻通考 卷四十四
南陝西甘肅湖北湖南各直省康熙五十年五十一年
地丁錢糧一槩蠲免累年舊欠錢糧一並免徵外所有
江蘇安徽江西山東各撫屬除漕項外康熙五十二年
應徵地畝銀共八百八十二萬九千六百四十四兩有
奇人丁銀共一百三萬五千三百二十五兩有奇悉予
豁免其累年舊欠銀二百四十八萬三千八百二十八
兩有奇著一并免徵計三年之內總免過天下地畝人
丁新徵舊欠共銀三千八百有六萬四千六百九十七
兩有奇各該督撫務須實心奉行體朕軫念民生至意

是年以陝西潼關衛山西大同府今年應免之米
一豆薪芻已徵在官其明年之應徵者除之又免陝
西西安今年租
五十二年

詔免天下明年房地租稅及積年逋懸

是年免山西河南陝西西安府及會寧等處今年

田租

五十四年

諭免順天永平保定河間宣化五府明年田租

五十五年

諭策妄阿喇布坦近忽侵擾哈密故特徵兵備邊一應飛芻輓粟悉支正供毫無累及閭閻今歲山西陝西二省雖屬豐收猶念兵民効力轉輸無誤特將沿邊一帶運糧地方自山西大同府屬前衛右衛大同懷仁馬邑朔保德七州縣衛直至陝西延安府屬府谷神木等共四十二州縣衛所堡康熙五十六年額徵銀八萬六千一百兩有奇糧米豆穀三十一萬七千七百石有奇草二千七十六萬五千九百束有奇通行蠲免並將從前積

年逋欠銀糧草豆悉予蠲免

是年又免直隸田租

五十六年

諭免直隸江蘇安徽江西浙江湖廣西安甘肅八省帶徵屯衛銀二百三十九萬八千三百八十兩有奇其江蘇安徽帶徵漕項銀四十九萬五千一百餘兩米麥豆十四萬六千六百十有餘石以半除之

是年

諭日頃者朕巡幸口外經過三河等州縣及永平府交界

地方見今歲秋成豐稔米價稱平惟是去年雨水過溢田畝間被淹沒朕深加軫卹蠲賦平糶轉漕分賑貧民使不至失所今者雖復有年然僅足支一歲之用恐來年之輸將尚多難繼是必再沛恩膏始可大培民力著將順天永平兩府所屬大興宛平通三河密雲薊遵化順義懷柔昌平保坻平谷豐潤玉田良鄉涿武清永清香河霸大城文安房山保定延慶盧龍遷安樂亭灤撫寧昌黎等州縣山海梁城等衛所康熙五十六年地丁銀二十六萬四千三百餘兩米豆高糧二萬一千六百

餘石草九萬四千九百餘束通行蠲免所有屢年積欠銀九萬三百九十餘兩米豆高糧萬六千二百餘石草八萬四千四百餘束亦并予蠲除

五十七年以軍興免陝西甘肅兩省逋賦及明年田租其甘肅康熙五十三四五六六年未入之銀米草豆悉予放除

五十八年又以沿邊民勞轉輸免陝西延安府屬府谷神木等六十六州縣衛所堡明年賦銀九萬八千一百兩有奇

五十九年免陝西甘肅康熙六十四年額賦延慶等五州縣今年雜糧

是年免福建臺灣府民番銀粟

六十一年

世宗憲皇帝諭古北口一路為我

皇考每年行幸之地百姓効力有年今將宛平順義懷柔

密雲平谷五縣昌平一州雍正元年應徵正項錢糧一

萬四千三百八十兩盡行豁免

是年以大興三河通薊遵化為

陵寢經由之路

諭免明年額賦

雍正元年免宛平等十一州縣田租雜稅又

諭免江蘇等屬康熙三十三年以前逋賦旋又

命三十四年以後逋賦亦勿收責共八百八十八萬兩有

奇其旗丁康熙三十八年至五十年逋糧陝西康

熙六十年以前未入之銀米豆草悉除之

三年

諭恩詔議免各省錢糧自康熙十八年至四十五年止著

加恩將五十年以前舊欠銀米等項均察明豁免
是年免廣東海康遂溪今年租直隸霸州等七州
縣逋賦二萬七千七百餘令勿收責

六年免直隸明年起運銀四十一萬七千八百餘

兩

是年

諭免福建康熙五十五年至雍正四年逋賦三十三萬八

千三百餘兩其有已徵在官者除明年正賦

七年西藏苗疆平免甘肅四川廣西雲南貴州明

年租並免西安田租十之三以四川巡撫憲德言

免瀘州今年租其已入者除明年正賦

是年

諭免山東廣東直隸陝西山西安徽明年額賦各四十萬

兩又免浙江民屯田租十之二

八年

諭國家經費既敷宜藏富于民朕特降旨蠲免已多今次

第舉行應及江西湖北湖南三省著將雍正九年錢糧

各蠲免四十萬兩直隸畿輔首善之地應沛殊恩山東

皇朝文獻通考 卷四十四
今歲被水之州縣稍多朕心深為軫念著將九年直隸
山東通省錢糧各蠲免四十萬兩

九年又以軍興勞民西安地丁銀免十之三甘肅
全除之並加免二省額賦四十萬兩又

諭免甘肅之河州廳洮州衛歸德所西寧涼州府番民本
年米芻

十年免甘肅今年米芻其已入者明年以實除之
是年除臺灣彰化縣雍正八年未入銀穀以凶番
初定紓民力也

十一年

諭雲南元江普洱兩府猥夷蠢動夫役頻煩之後恐小民
輸將力有不逮著將元普兩府雍正十一年額徵條銀
公件銀並行蠲免

是年免甘肅今年額賦二十七萬九千三百兩有
奇河南額賦四十萬兩

十三年免雲南貴州及湖南之沅州今年田租其
貴州州縣之被殘破者給復三年

是年九月今

皇上登極

詔免天下田租又

諭免雍正十二年以前逋租其江南積逋內有官僉吏

蝕二款亦予放除隨

諭勸業戶各計所免之數捐十分之五以惠佃農又以

陵寢興工除大興宛平良鄉涿房山涑水各州縣明年租

明年又免各州縣入官地租十之三

是年

諭免者若直隸旗退入官各地各省漕糧甘肅芻米在

雍正十二年以前者勿收責其貴州被賊州縣今

年租糧四川明正沈令及口外新附處所又涼山

會川鹽源阿樹木坪普安安阜酉陽各處本年貢

賦西安明年地丁甘肅半之並予放除

乾隆元年

諭免甘肅乾隆二年租西安半之

二年

上以經理

山陵大事自京師至易州七州縣民趨役勤慎免今年田

租陝西寶豐渠二縣招墾新戶逋賦在雍正十三年以前者勿收責並免今年糧料其京西番民糧料準屯地科則免三之一

是年定蠲免以奉

旨曰爲始先期有已徵在官者作明年正賦又定陝西甘肅額徵匠價銀遇蠲準一例蠲免皆著爲令

四年

諭免直隸本年錢糧九十萬兩江蘇百萬兩安徽六十六萬兩又陝西榆林等十一州縣民貸倉糧在雍正

十二年至乾隆二年者勿收責

六年免

行圍所經地今年額賦十之三又

諭準噶爾來使進藏熬茶曾令那克舒二十九部落豫備馬匹毫無違誤龜勉奉公甚屬可憫著加特恩將本年應納錢糧寬免

十七年

諭曰朕御極以來愛養黎元於蠲免正賦之外復將雍正十三年以前各省積欠陸續豁除以息民間追呼

之擾今查雍正十三年正月起到十二月江蘇安徽
福建三省未完民欠正項錢糧銀共一十七萬七千
六百七十四兩六錢零甘肅福建江蘇等三省共未
完民欠正項米豆糧共九萬五千二百六十九石零
甘肅省民欠未完正項草一百七萬四千二十一束
零又直隸江蘇安徽甘肅廣東福建等六省民欠未
完雜項錢糧銀二千九百二十四兩零福建省民欠
未完雜項租穀四百四十八石零此等拖欠各項歷
年已久多係貧乏之戶無力輸將况江蘇所欠獨多

目今彼地現被水災待恩撫恤豈可復征逋負著將
以上各項悉行豁免若諭旨未到之先或有續完之
項卽咨部扣除再查江浙二省尚有雍正十三年未
完漕項銀七萬一千二百七十兩零米二萬九百四
十九石零麥四千三十七石零豆一百八十五石零
向來漕項不在豁免之例今旣蠲除各項著將漕項
一體免徵此旨到日各該督撫可卽出示通行曉諭
並令各州縣官實力奉行務令閭閻均霑實惠
是年免甘肅雍正六年至十三年以前逋賦柳林

湖三清灣柔遠堡毛目城雙樹墩九壩各屯戶所
貸牛種武威平番永昌古浪西寧碾伯等六縣三
年帶徵銀並予放除

向八年

駕幸瀋陽

諭盛京戶部莊頭每年交納倉糧今朕恭謁

祖陵親詣盛京軫念各莊頭終歲勤苦輸將無誤著將八
年分應交倉糧加恩寬免再各莊頭尚有七年分未
完米豆草著覈明一并豁免又免納克舒三十九部

落番子明年額賦

是年以直隸望都靜海冀武邑四州縣貧糧宿逋
追呼累民除之

九年免肅州九家窰未完牛具

十年

諭曰我朝

列聖相承深仁厚澤無時不加意培養元元以期家給人
足百年以來薄海內外物阜民康共享昇平之福朕
臨御天下十年於茲撫育蒸黎民依念切躬行儉約

薄賦輕徭今實宇牧寧既鮮糜費之端亦無兵役之耗是以左藏尚有餘積數年來直省偶有水旱朕加意賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩澤者朕思海宇乂安民氣和樂持盈保泰莫先於足民況天下之財止有此數不聚於上即散於下仰惟我皇祖在位六十一年蠲租賜復之詔史不絕書又曾特頒諭旨將天下錢糧普免一次我皇考旰食宵衣勤求民瘼無日不下減賦寬徵之令如甘肅一省正賦全行豁免者十有餘年朕以繼志述事之心際重熙累洽之候欲使山陬海澨一民一物無不均沾大澤爲是特降恩旨將乾隆十一年直省應徵錢糧通行蠲免又以芻糧例不入蠲諭將甘肅臨邊各屬明年芻糧一體放除河東西各屯免三之一亦如之

是年福建臺灣粟米湖南乾州鳳凰永綏苗民雜糧四川民番貢賦陝西玉樹納克舒馬貢並瓜州安插回民未償牛種悉予放除

十一年

駕幸山西免

駐蹕之五臺縣明年額賦十之三

是年瞻對平凡四川打箭爐口內外効力之各番部給復二年其直隸霸州固安屯糧奉天錦州米豆浙江玉環山海寧縣大鹽中小鹽各銀穀例不入蠲以輪遇普蠲之年皆

特諭免之

十二年

諭曰朕嘉惠黎元輪免天下正供山西通省地丁應於十三年全免惟該省太原平陽潞安寧武澤州蒲州六府遼沁平忻代保解絳八州及歸化城所屬有額徵本色米穀豆麥以供兵餉例不蠲免但此次特沛恩施亦應量加愷澤得以均沾著將太原等府州應徵本色酌免十分之三其大同朔平二府地處邊瘠頻年歉收著全行蠲免

是年免河南灘地官莊官地義田廣東官租學租屯地曠軍餘羨各賦例不蠲免者均免十分之一

十三年 軍餉各湖國不聽 朕嘗以此與十分之一
駕幸山東免所經州縣今年田租十之三 東宮出學

是年

諭曰朕時邁東巡前詣闕里至於岱宗舊典聿修明禋

肇薦東省本年錢糧見已普免因思曲阜泰安歷城

鑾輿駐蹕之所也著將三縣乾隆十四年應徵地丁

錢糧全行蠲免

十五年恭謁易州 刻年 刻部 安學 光學 州 部 民

陵寢

州 刻部 安學 光學 州 部 民

諭免經臨州縣田租被災者十之五未被災者十之三

是年

駕幸嵩洛

諭此次巡幸河南省方問俗所至推恩尤念祥符為省

會之區登封實望秩之所鑾輿駐蹕宜沛恩施著將

該二縣乾隆十六年應徵地丁錢糧全行蠲免

十六年

諭曰朕巡幸江浙問俗省方廣沛恩膏聿昭慶典更念

東南貢賦甲於他省其累年積欠錢糧雖屢准地方

大吏所請分別緩帶以紓民力而每年新舊並徵小民終未免拮据朕宵旰勤勞如傷在抱茲當翠華臨蒞倍深軫卹用普均沾之澤以慰望幸之忱著將乾隆元年至乾隆十三年江蘇積欠地丁銀二百二十八萬餘兩安徽積欠地丁銀三十萬五千餘兩悉行蠲免俾官無誑誤民鮮追呼共享昇平之福夫任土作貢歲有常經自應年清年款江蘇積欠乃至二百二十餘萬之多催科不力有司實不能辭其咎而疲玩成習豈民間風俗之澆漓尚有未盡革歟朕以初

次南巡故特加恩格外嗣後該地方官務宜諄切勸諭加意整頓其在小民亦當消除舊習勉効輸將勿謂曠典可希冀屢邀而惟正之供任其逋負也其浙江一省雖額賦畧少於江蘇而節年以來並無積欠豈犬牙相錯之地不齊乃至是歟此具見浙省官民敬事急公之義而江蘇官民所宜懷慚而效法者也朕甚喜焉著將本年應徵地丁錢糧蠲免三十萬兩以示鼓勵各該督撫其仰體朕惠愛黎元之意嚴飭所屬實力奉行又

諭曰朕上年巡幸嵩洛間俗省方清蹕所經已疊沛恩膏彰行慶施惠之典而該省紳民踴躍急公就瞻恐後其歡忻鼓舞之誠不惟無怨而益脆至今猶為繫念所宜再沛恩施者也其河南省乾隆十四年以前積欠帶徵緩徵錢糧三十五萬餘兩著再加恩槩予蠲免俾該省小民催科不擾益宏樂利之休

是年兩淮竈戶乾隆二年至十四年甘肅元年至十年各逋賦皆

諭除之又以

駕幸亦爾經臨各州縣有被雹災者免今年田租十之五餘免十之三

臣等謹按乾隆二十一年祭告闕里二十二年

幸江浙二十七年春

幸浙江秋

幸木蘭凡經臨之地分別蠲免皆準是年

諭旨行

十七年免長盧鹽商逋課十四萬兩有奇

十九年恭謁

盛京

陵寢禮成免奉天今年田租戶部莊頭糧免萬石各旗地
米豆草免半壯丁米悉除之

二十一年

幸闕里免曲阜縣明年田租又以用兵西陲民勞輸輓
甘州肅州涼州安西各衛阜蘭一縣今年賦銀米
芻悉予放除寧夏平涼鞏昌蘭州四府田租免十
之三全省乾隆十一年至十五年逋賦十年至十
五年所貸牛種皆勿收責

是年免齊齊哈爾黑龍江墨爾根呼蘭所貸種食
在本年以前者悉除之

二十二年

聖駕南巡

諭免江蘇安徽浙江本年以前逋賦並免江寧蘇州杭
州三府今年租其江南乾隆十年以前漕項兩淮
乾隆十七十八十九年竈賦浙江漕項屯餉沙地
公租及貸種未償各積逋悉予放除

是年免甘肅十六年至二十年逋賦並免甘州涼

州肅州安西臯蘭今年田租又免直隸滄州靜海南皮並山東海豐縣各通賦

二十三年免甘肅十六年至二十二年通賦二十四年免甘肅明年租西安州縣分三等免本年田租有差其安西瓜州屯民二十二年所貸牛具悉予放除

二十五年征西大兵凱旋免甘肅明年田租

三十六年

幸五臺

諭免山西經臨及

駐蹕之地今年租十之三其五臺縣乾隆二十四五年

所貸倉穀石樓陽二縣緩征帶征各銀穀皆勿

收責

是年免宣化府八年至十八年通賦

二十七年

幸江浙

諭免

駐蹕之江寧蘇州杭州三府附郭諸縣今年田租其江

蘇安徽浙江免二十一年至二十六年災田緩征
及地丁之未入者如二十二年例行又免兩淮竈
課帶徵銀九千兩浙江民屯田租漕賦竈課諸逋
銀二十六萬四千兩各有奇

迴鑿又平定宣化等處人等至十八年
諭曰朕巡省江浙畿輔所過地方應征額賦前已特頒
恩旨分別蠲免但念各屬尚有節年民欠未完之項
分年緩帶錢糧尚應按數征收茲迴鑿沿途體察民
依直敷恩澤著再加恩將乾隆十二年至二十五年

大興靜海龍門宣化懷安萬全西寧懷來蔚州四旗
等十州縣廳未完地糧銀七千二百餘兩改折銀六
千六百餘兩屯糧一萬六千餘石槩予豁免其自十
九年至二十五年各屬因災緩帶地糧銀八萬六千
七百餘兩改折銀九千一百餘兩屯糧六萬三千餘
石並著加恩於本年起限再分作三年帶徵俾民力
益紓得資耕耨

三十一年
諭曰朕統御萬方孜孜求治惟以愛育黎元為念自御

極以來蠲賜所逮不下千億萬乾隆十年曾恭依

皇祖普免直省錢糧恩例蠲除天下額徵正賦二千八百

萬有奇惟歲運漕米向以供給俸餉廩糈之用非水

旱特蠲例不普免恭閱

皇祖實錄康熙三十年

特頒恩旨將各省起運漕糧通行蠲免一週大澤均沾慶

通常格仰惟

皇祖冲齡踐阼臨御之三十年春秋未及四十朕年二十

有五始登大寶膺祺受祉迄今亦閱三十年際

重熙累洽之會必世昌期均符泰運其為慶幸倍深茲荷

蒙

上天眷佑

列祖鴻庥函夏謐寧疆宇式闡北庭西域二萬餘里咸隸

版圖外有耕屯之獲內無餽餉之勞且連歲年穀順

成庶物豐殖京通倉貯儘有餘粟

天既誕貽樂歲惠洽昇平朕自當仰體

天心以推恩黎庶是用敬承

嘉貺懋繼

前謨使薄海億兆並裕倉箱之慶所有湖廣江西浙江江蘇安徽河南山東應輸漕米著照康熙年間之例於乾隆三十一年爲始按年分省通行蠲免一次

戶部遵

旨議定乾隆三十一年免山東河南二省三十二年免江蘇省三十三年免江西省三十四年免浙江省三十五年免安徽省三十六年免湖南省三十七年免湖北省以次遞行蠲免是年

上幸木蘭免所經地今年額賦十之三自後歲以爲常

又

諭雲南近日莽匪滋擾其未經被擾之處一切派撥土練修理橋梁急公踴躍免附近普洱之普藤猛旺生整董等十三土司本年額徵條編正耗及米折銀三千餘兩正耗糧六百餘石並免猛籠一處宿逋

又

諭前經降旨將各省漕糧分年普免一次期使海宇黎元均霑閭澤但聞漕糧款內尚有例徵折色及民戶

皇朝文獻通考 卷四十四
輸銀官爲辦漕者雖徵收銀米不同其爲按田起漕之例則一也著再申諭各省州縣內有徵折色者一體彙令蠲免

三十二年上諭蠲免六百餘石並減漕一萬餘石
上巡幸天津免經過地方及天津府屬今年額賦十之
三又普免天津府屬節年尾欠及上年緩征銀七
萬二千兩有奇屯谷三千四百餘石又節年因災
出借並舊欠及上年被水出借谷十三萬一千一
百餘石均予放除復以畿輔地方共切近光之慕

將直隸通省各屬節年尾欠未完地糧銀四萬九
千五百餘兩屯糧六萬六千四百餘石一體蠲免
又二十五年

諭各省督撫屆輸蠲漕米年分諭各業戶亦令佃戶免
交一半

是年以滇省緬匪滋擾軍務方殷免本年額賦其
大兵經過之地及永昌騰越普洱三府州全行蠲免
其餘亦免十之五又普免近邊各該土司本年額
賦明年

諭免亦如之

三十四年

諭免雲南辦理軍需地方及永昌騰越普洱三府州明年額賦十之五並免直隸河南湖北湖南貴州等

交省

大兵經過各州縣明年額賦十之二

三十五年

諭朕寅承丕緒撫有萬方申旦求衣無日不以勤恤民
依爲念是以劬農省歲減賦追征不斲多費帑金斲

閭閻共徵康阜溯在乾隆十一年丙寅朕御宇周旬
肇敷闡澤曾恭依

皇祖普免天下錢糧恩例蠲除直省額徵正賦二千八百
萬兩有奇越前三十一年丙戌際當必世興仁益惟
比戶饒裕是計復下詔將應徵漕米省分照康熙年
例槩蠲一次俾各倉箱盈衍倍積耕餘邇年以來實
宇乂寧民氣和樂惟

上天孚佑我邦家洊錫康年頌符綏屢朕祇膺

昊蒼鴻眷其可不究澤推仁以與我海內元元答茲

嘉祝我國家席全盛之模內外經費度支有盈無絀府庫
所貯月羨歲增因思天地止此生財之數不在上卽
在下與其多聚左藏無寧使茅簷蔀屋自為流通迺
者仰紹

列祖貽庥化成熙洽為民藏富欣際斯辰且今年為朕六
十誕辰明歲恭逢
聖母八旬萬壽普天懽祝慶洽頻年尤從來史冊所未有
是宜更沛非常之恩以協

天心而彰國慶茲用乘春頒令誕布陽和著自乾隆二十

五年為始將各省應徵錢糧通行蠲免一次其如何
分年遞蠲之處著大學士會同該部卽速詳議具奏

又

諭迺者恭奉

皇太后安輿展謁

兩陵前已降旨蠲免所過地方十分之三茲躡途所至小

民扶老携幼歡迎愛戴之忱特切朕心深為嘉悅著

加恩將經過州縣及天津府屬所有乾隆三十一年

至三十二年未完尾欠地糧銀共五萬一千八百餘

兩年糧項下本色穀豆共五千九百餘石又節年因
災借穀共十二萬六千一百餘石普行蠲免又免直
隸通省未完尾欠地糧銀一千二百餘兩及應徵本
刻色尾欠穀豆二千八百餘石改折二千六百餘兩並
因災緩徵銀十二萬四千九百餘兩穀豆八千二百
餘石改折銀一千二百餘兩一體蠲免

是年免甘肅臨邊各屬明年應徵番糧草束其河
東東西屯糧草束免三之一又烏嚕木齊新疆戶民
額徵屯糧草束

諭免亦如之

三十六年免福建

屬額徵供粟一十六萬

餘石並免廣東廣韶等府州屬官租及屯田贖軍
餘羨學租等項銀兩十分之一其四川征收米豆
雜稅并各廳營土司夷賦及本折貢馬一體蠲免

是年

上恭奉

皇太后安輿巡幸山東免直隸經行地方本年正賦十之

三復

念去歲天津等處被灾較重免滄州等五州縣借欠穀
三萬八千餘石及天津縣常借未完穀三千六百
餘石至經由之東安等四州縣借欠穀三萬八千
餘石及寶坻等五州縣欠穀一萬八千餘石均予
蠲免其順天府屬之武清一縣被灾尤重免十之
五又以便道

詣謁

闕里間閭歡行供役免上年歉收地方正賦十之五
復以秦安曲阜為

駐蹕之地除本年田租並免濟南各屬借欠穀四萬九
千餘石東平所未完災緩地丁銀四千八百餘兩又
災借麥本未完之濟南武定兩府屬五千八百餘兩
衮州曹州等六府屬九萬八千餘兩全行蠲免

又

諭朕巡幸木蘭今歲雨水較大著加恩蠲免十分之五
三十七年免奉天錦州米豆額賦又免山西太原等
六府遼沁等八州及歸化城各協應徵本色米豆十
之三其大同朔平二府地處邊瘠全行蠲免並將口

外清水河廳米折銀兩免十之三其和林格爾等處
應輸折色銀兩一體全蠲至太僕寺牧廠地畝向係
本折兼徵其折色照地丁例全蠲本色亦免十分之

三

又免浙江温台所屬玉環廳額徵租穀二萬一千
餘石海寧縣天漲沙地租銀一千二百餘兩又以
江南蘇州等屬積欠現在僅有尾欠五萬餘兩急

特諭免之

公可嘉

是年又免陝西上年西安等九府州額徵本色併
存留穀租糧及延安等三府州本色糧草其已經
完納者準作本年額賦又免甘肅各廳州縣節年
民欠倉糧二百七十六萬五千餘石
三十八年

諭朕此次巡幸淀津業將經過州縣未完民欠槩予蠲
免但念三十六年被災最重者二十四州縣其宛平
等十五州縣積欠已在經過普免之列唯通州寶坻
三河等九州縣非鑿輅經行所及僅免三十五年以

前而其地多有經過各州縣界址毗連者此征彼免
小民未免向隅著將此各州縣三十六年分未完緩
帶地糧銀一萬五千六百六十兩三錢本色豆四百
八十一石九斗九合亦一併蠲免

是年免直隸霸州等七十五州縣廳節年災借倉
糧二十三萬八百餘石屯糧項下米穀七千九百
石有奇

三十九年以川省自征勦金川以來羣黎踴躍奉
公其

大兵經行地方及未經辦差之九十廳州縣節年出
夫運糧分別差務繁簡多寡將乾隆三十九年以
前緩徵錢糧蠲免有差其各土司夷民均屬奮勉
出力並一體酌免貢馬夷賦
四十一年因金川平定祇謁

兩陵禮成恭奉

皇太后巡幸山東免沿途經行地方本年正賦十之三其
通州三河等十三州縣廳及大興宛平等十五州
縣并滄州交河節年緩帶災借等項銀糧麥豆悉

予放除又以畿南一帶其災區之不值

躡途者如霸州保定文安大城等二十州縣緩帶災借

等項銀米亦槩行蠲免

諭曰朕因兩金川蕩平祇奉

安輿恭詣

泰岱輦路所經加恩優渥而泰安曲阜為駐蹕之地

尤宜廣敷惠澤著將該二縣乾隆丙申年應納地下

錢糧全行蠲免

免水陸經行之德州禹城等州縣衛歷年積欠其

蹕路未經之鄒平新城齊東陵縣二十一州縣衛災借

等項銀穀悉行寬免又以入境以來小民夾道歡

迎倍覘親愛將德州壽張等十一州縣並臨清等

州縣緩徵漕項銀米悉

諭除之

四十二年恭奉

孝聖憲皇后梓宮詣

泰東陵安奉免沿途經過地方本年額賦十之五易州免

十之七

是年以福建臺灣府屬官莊租息現值輪蠲之年
照上屆例免十之三又陝西甘肅向有額徵糧草
例不入蠲均

特諭免之其河東西蠲免屯糧草束悉依上屆之例

四十三年

上恭謁

泰陵

泰東陵及三月清明節恭詣祭謁免經行地方本年正賦

十之三

晉東國無二十一世練敵災前

諭曰遼瀋為我朝

鴻業肇基之地風俗敦龐人心淳厚茲由山海關至陪京

恭謁

祖陵蹕路所經村村殷阜老幼歡迎扶攜恐後嘉惠之餘

恩施宜渥啓鑾日業經降旨免所過地方錢糧十分

之三著再加恩將奉天所屬府州縣乾隆四十四年

地丁正項錢糧通行蠲免又將各庄頭本年倉糧一

萬餘石免其輸納其盛京興京遼陽牛庄等十五處

旗地應納芻糧亦免徵一半

又

諭曰各省漕糧於乾隆三十一年普免一次茲蒙

昊蒼眷佑累洽重熙敬體

天心愛養億兆用是再沛恩膏著於庚子年為始復行普

免天下漕糧一次俾藏富於民共享盈寧之福交戶

部詳悉妥議具奏

四十四年

諭朕此次敬謁

泰陵恭祭

泰東陵及四月釋服恭詣祭謁所有沿途經過地方著加

恩蠲免本年地丁錢糧十分之三

免湖南乾州鳳凰永綏三廳及城步綏寧二縣苗

糧照三十五年例

其又

諭戶部議覆富勒渾等奏銷川省軍需項下分別民欠

商欠專賠分賠各欸一摺其中如民欠一欸念辦理

金川軍務買糧運餉悉發官帑絲毫不以累民而川

省百姓輓輸負送各出其力今于大功告成之後復

令償還前借帑項朕心實所不忍所有該省民欠津貼及採買站夫口糧共銀一百九十六萬八千四百餘兩均著加恩豁免再商欠一項未完米價脚價銀九十八萬六千九百餘兩雖有虧缺實情並非侵蝕其實在家產盡絕無可著追者並著加恩一體豁免又報銷項下與例案不符各款請分別專賠分賠於通省文職內按年在養廉內扣半賠補等語因恩平定金川之事費帑六千餘萬兩期使番民永除後患何必以此攤於報銷之案累及各官所有專賠分賠

銀二百八十二萬二千餘兩糧米十五萬三千六百餘石及代賠無着一半商欠應扣通省一半養廉并富勒渾與註調別省各員應扣一半養廉俱著加恩一併豁免

是年免陝西延榆綏三府州屬民欠常平倉糧十二萬三千石社倉糧一萬三千石各有奇四十五年

聖駕南巡免經過直隸山東省本年正賦十之二三又免直隸順德廣平大名天津四府屬節年災借穀八

萬四千石銀九萬八千兩各有奇併免山東歷城等二十一州縣緩徵銀十三萬四千兩臨清等七州縣緩征穀二萬六千石社穀二千四百石麥種合穀三千二百石各有奇

免江浙水陸經行地方本年額賦十之三

又

諭江省為財賦重地茲入疆伊始渥澤宜覃將江寧屬乾隆四十四年以前積欠銀四十五萬二千兩米十七萬二千石蘇州屬未完銀二萬三千兩米十二萬

九千石安徽屬未完銀四十萬七百兩米麥穀九萬七千石各有奇俱一體全行蠲免又以兩淮竈戶僻處海濱生計艱苦其各場歷年未完銀三萬五千餘兩悉予豁除

又

諭曰朕巡幸江浙取道維揚兩淮商眾踴躍抒忱並應一體加恩所有應還川餉項內尚有未繳銀一百二十萬兩全行豁免又以江寧蘇州杭州為省會駐蹕之地並附郭諸縣本年額賦悉除之

是年福建臺灣府屬額徵供粟山西太原等十六府州並清水河廳太僕寺牧廠和林格爾等處本折糧銀廣東廣韶等府州屬應徵各項銀穀以輸遇普蠲之年悉照上屆例分別蠲免有差

四十六年

上幸五臺免經過直隸山西各州縣本年正賦十之三又免五臺縣未完借穀三千六百石有奇其順天保定等府州縣屬未完穀四萬七千石米三萬四千石麥三千四百石銀五萬一千八百兩各有奇

並免之

是年以江蘇河灘地租欠項遞年積壓

特諭免之又以甘肅靖遠安定等七縣今歲承辦軍需民情踴躍將本年額徵銀糧免半輸納

四十七年

上幸盤山免經過地方本年正賦十之三

又

諭曰淮南商人應繳提引餘利銀兩前經降旨加恩將來完銀展緩分作二十一限繳完今該商等已完至

皇朝文獻通考 卷四十四
第十三限其餘八限尚應交銀三百八十六萬六千
餘兩此項提引餘利弊由高恒而起該商等按限完
交已經過半朕思恤商卽所以恤民著加恩於未完
銀內豁免二百萬兩其餘仍按原限完繳

四十八年

上恭謁

泰陵免經過地方本年額賦十分之三

諭曰豫省自辦理大工以來歷次部議及動用司庫銀
千餘萬兩無非爲百姓保護田廬所有採辦料物雇

募人夫俱於例價之外寬裕給值俾小民踴躍趨事
其例價外酌增銀兩自應分年均攤帶徵還欸但此
次爲數甚多而上次漫工案內又尚有攤徵未完銀
九十餘萬兩若按年帶徵民力未免拮据朕自御極
以來普免天下地丁錢糧者三次普免各省漕糧者
二次不惜萬萬帑金又何靳此千餘萬庫項而令小
民每年於正賦之外多此徵輸耶所有此次所請分
年攤徵銀九百四十五萬三千九百二十餘兩以及
上次攤徵未完銀九十四萬五千餘兩俱著加恩普

行豁免復以南岸開挑新河考城商邱以下係山東曹縣地方查明東省挑河例價外酌增夫工各項銀共三十二萬餘兩俱予放除又甘肅積年未完銀二十四萬六千兩有奇糧一百三十八萬九千石有奇分年帶徵仍不免追呼之擾特

特旨

是年

上臨幸

盛京謁

祖陵免奉天所屬府州縣正賦其各庄頭及旗地應納芻

糧照四十三年例寬免

四十九年

上幸江浙免直隸山東經行地方本年額賦十之三又免

順天保定等十二府州屬未完穀十五萬五千餘

石並免山東利津霑化等二十一州縣衛災借籽

種牛具銀十一萬八千餘兩穀十萬一千餘石

又

諭將江寧所屬積欠地丁漕項銀三十六萬七千兩民

借未完銀十五萬一千九百兩米麥豆十八萬九千石各有奇蘇州所屬地丁等項銀四萬五百兩民借銀一千二百兩漕項等欸未完米豆三萬八千石各有奇安徽所屬地丁等項銀三十七萬三千兩民借六萬一千兩漕倉等項銀八萬三千兩漕糧等欸米麥豆六萬五千石各有奇全行蠲免

又免江浙省會

駐蹕之地附郭諸縣本年額賦其杭州嘉興湖州三府屬本年應徵地丁錢糧共二百九萬餘兩免十分

之三十一

又

諭甘省逆回滋事一切輓運糧草有需民力除今年田租其業經徵收者作明年正賦又免自乾隆三十八年至四十六年壓欠銀一百六十餘萬并免民欠存留項下銀五萬一千餘兩糧二萬五千餘石民番未完草束價銀二十萬四千餘兩又歷年民欠耗羨銀一十萬二千餘兩糧四十五萬二千餘石一體放除

上幸盤山免經行地方今年正賦十之三

一右賜復千餘兩銀四十五萬二千餘石

宗免科罰賦二十萬四千餘兩又蠲率錢入并美地

留順治元年除明季加派三餉及召買津糧

五至三年除直隸任邱縣水淹地租

四年除江南淮徐無主荒地租有主者量免額賦

廿三年漕米一年

七年免湖廣蘄州麻城羅田蘄水黃梅黃岡六縣

五年六年荒田額賦

八年除山西荒田賦一萬八千四百九十頃西安

新荒民屯廢藩地賦並虛限丁銀三萬七千三百

九十兩糧一千二百八十石各有奇

是年除直隸安州芝蔴棉折徵額賦

九年除陝西莊浪西寧肅州故絕拋荒水淹沙壓各

地賦

十一年減江西瑞州袁州二府淨糧

康熙元年除江南海州移內地民所遺海濱田租

二年除廣東福建海濱無主田租

九年除邳州海州宿遷沐陽通州泰州坍沒田租
十年除河南陝州江南靈璧臨淮各包荒古荒租
賦

是年定各官詐報懇荒致民賠累者准勘明豁免

又定蠲除漕糧并隨漕銀米亦准蠲

十二年除江南丹徒金壇江濱坍沒田租

二十一年定築堤占用民田其漕糧奏除

二十六年

恩詔除康熙十三年以後加增雜稅

二十七年除江南丹徒縣海濱地康熙十八年以
後坍沒田租

二十九年

諭朕近見廣東高州瓊州等府所屬州縣地丁各項錢糧

累年每致逋欠如果丁闕地荒不能輸納著該督撫將

實係戶口稀少田租荒蕪徭賦無從辦納州縣積年所

欠錢糧數目詳悉察明具奏議除廣東高州府吳川縣

瓊州府臨高澄邁二縣自十八年至二十八年未

完地丁銀十有二萬八千六百兩米四千六百石

各有奇地十百二萬八千六百兩米四千八百

三十年除江南睢寧縣廢闕地丁額賦其本年以

前逋者並勿收責又除通州海門鄉坍田銀四百

九十二兩米麥百十二石

三十一年除雲南鄧川州水石沖壓荒田額賦

三十四年除山西津榮二縣河孺坍沒田租

三十八年除浙江鄞縣海潮衝沒田租凡千有七

十餘畝

三十九年除鄞縣坍沒田租

臣等謹按鄞縣十一都三圖近海田地舊有塘牯

禦潮蓄水自順治十七年衝沒田淹租缺至是乃

豁除

四十九年除江南荒地銀

五十二年除江蘇荒地銀

五十三年除浙江奉化縣水沒田租

六十一年

諭曰聞陝西甘肅二屬各州縣衛所地丁銀每錢額外徵

收三釐米每斗額外徵收三合以為備荒之用此項徒

有加賦之名而無賑濟之實著自雍正元年為始將額
外徵收銀米永行停止如有舊欠亦悉予豁免

文

諭京師琉璃亮瓦兩廠官地每月按間計標徵租相沿已

久朕念兩廠多繫流寓賃住揭本經營之民情可憫惻

嗣後止徵地租免其按間計標逐月輪輸

雍正二年除浙江仁和等十一州縣水衝沙壓地

租又除江西南昌新建豐城進賢奉新寧靖安七

州縣浮糧

三年怡親王允祥奏減蘇松浮糧奉

上諭蘇松之浮糧向日部臣從未陳奏常墮

皇考聖懷本欲施恩裁減朕仰體

皇考愛民寬賦之盛心將蘇州府額徵銀豁免三十萬兩

松江府額徵銀豁免十五萬兩著為定例俾黎民輕其

賦稅官吏易於催科可飭令地方官知之

是年除江南丹徒縣濱江坍沒田租凡百八十一

頃二十三畝有奇又免臺灣鳳山縣番婦口賦

等謹按鳳山縣八社額徵丁賦番婦每口徵穀

二石今以雍正三年爲斷計八社番婦一千八百四十四口折納穀三千六百八十石自雍正四年爲始准此徵收免其計口納賦田賦凡八百一十五年

諭各省之中賦稅最多者莫如江南之蘇松二府浙江之嘉湖二府考四府賦稅加重之由蓋始於明初籍富民之田以爲官田按私租以爲正賦此洪武之刻政也明二百餘年減復不一我朝定鼎以來仍照明例徵收著因陸續辦理軍需經費所在未便遽然裁減

皇考聖祖仁皇帝常論及此雍正三年朕仰體

皇考聖心已將蘇松二府額徵淨糧豁免今特沛恩膏將嘉興府額徵銀四十七萬二千九百餘兩著減十分之一計免銀四萬七千二百九十餘兩湖州府額徵銀三十九萬九千九百餘兩著減十分之一計免銀三萬九千九百九十餘兩共二府免銀八萬七千二百八十餘兩永著爲例

六年除陝西西鄉縣康熙六十一年淨糧銀千二百三十九兩九錢有奇

論除湖南武陵縣宿郎堰湖濱淹田額賦

兩禾八年湖南永順土司改土歸流照原額秋糧分則

新科仍免科一年

十八九年

諭旨朕聞淮安府阜寧縣屬射陽湖地方於雍正五年題

升淤地八千一百餘頃升租銀四千餘兩又康熙五十

九年丈量射陽湖北岸灘地案內升四百餘頃應升銀

一千七百七十兩皆係有銀無地小民賠累難堪向來積欠

纍纍從未清完甚屬累民著將前項升地八千六百五

十頃四十九畝零租銀四千二百六十一兩有奇悉行

豁除以甦民困

又江南開河築堤占廢之民屯田陝西武功縣之

埧沒田福建寧洋縣無徵鐵稅鳳山縣莊地闕額

論賦銀悉予免科

十三年

皇上登極

恩詔蘇松浮糧前已蒙

世宗憲皇帝諭旨裁免四十五萬以紓民力但江省糧額尚有浮多之處著再加恩免額徵銀二十萬兩

乾隆元年

諭江蘇淮安府屬之桃源縣徐州府屬之宿遷縣睢寧縣沿河地畝淹涸靡常雍正五年涸出睢寧縣報升地五千三十九頃宿遷縣報升地四千七十二頃桃源縣報升地二千八百四十二頃嗣蒙

世宗憲皇帝以淤地勘報不實令河臣會同督臣委官察勘共豁地七千二百餘頃萬民感頌存地五千七百

餘頃照各縣成例折算實地三千五百餘頃科則亦經減輕其淮安一衛裁汰改歸州縣徵收乃比年以來仍催徵不前蓋此淤出之地卽舊有糧田是以民力維艱輸將不繼也朕旣洞悉其中情事自當加恩開除以紓民力著將宿遷睢寧桃源三縣見存新淤涸後改科地糧額徵銀六千五百四兩全行豁免其雍正十三年淤地未完錢糧亦免徵收至水沈地畝仍照例每年冬勘

是年江南泗州安河兩岸淤地甘肅狄道縣山東

郟城等二十八州縣河南祥符等四十二州縣荒田又山東章邱縣詐報懇荒各賦悉令除免

定新設湖北鶴峯州長樂縣雍正十二年至乾隆元年免其升科

等謹按鶴峯長樂本容美土司地自雍正十二年改土歸流至是奏報起科得

旨照容美原徵秋糧之數為額仍免三年至明年起科

諭江蘇阜寧鹽城二縣有濱河地畝淹涸靡定有司誤

報升科小民納賦甚覺艱難著該督撫確核地畝額

徵銀數悉行豁免其從前未完之舊欠一併赦除

是年江南高郵等五州縣河堤民房租湖北沔陽

州未經清丈田雍正十三年乾隆元年通賦山東

商河縣灘地賦甘肅河西各州縣衛所隨徵馬糧

悉予免科

三年除四川射洪等六縣丹沒田租

四年

諭雲南勳莊變價一案尚欠銀千八百二十九兩有奇

皇朝文獻通考 卷四十四 三
備此項田屢被水冲沙壓難以耕種承變各戶逃散無可着追頗為地方之累著將應徵銀准予豁免

是年西安同州鳳翔三府水衝屯莊銀米悉予除免

五年除河南中牟封邱等十四州縣水衝沙壓各荒地額賦並除鄭州地戶積逋

六年除湖南湘鄉臨武二縣丹荒田租

七年除浙江錢塘縣及河南洧川等十一州縣河丹沙壓荒田額賦

八年

諭曰朕聞浙江温台二洋為漁船採捕之所從前玉環未經展復以前凡漁船被汛兵需索陋規無異私稅後因展復玉環地方官恐經費無出遂將陋規改收塗稅此一時權宜之計也朕思濱海編氓以海為田每歲出沒於波濤之中捕魚餬口生計淡薄應加軫恤著將此項永遠革除免致不肖官弁丁役苛刻需

索擾累貧民

是年除湖北興國黃岡三州縣荒田租二十四萬

具九年四川水被災田二百九千頃二十四畝有
奇衛沒碾榨磨共十有九座並除其租課

十年除江西樂平德興玉山宜黃陝西郃陽各坊
荒田租

十一年除江蘇城租初居民沿城構屋賃地輸租
後屋毀地徙租遂通懸州縣率以罰緩抵解至是

禁濫罰始奏除之
諭減直隸慶雲縣額賦十之二三著為令又浙江雲和縣

諭減直隸慶雲縣額賦十之二三著為令又浙江雲和縣

坑鑪稅廣東瓊州府雜稅福建無著魚課悉予免

科

十二年免直隸天津葦蕪課

十六年

諭曰朕聞常州府屬之武進陽湖二縣開抵役田租銀

一項原係前明時虛田領價後因本戶逃亡株連親
族各將已產開抵實非前明原置之田亦非當日領

價之戶小民條糧役租力難並輸以致積年拖欠朕
省方所至民隱勤求清問既周倍深軫念著將武進

皇朝文獻通考 卷四十四
陽湖二縣開抵役田除應辦條漕仍照民田一例完納外其新舊租銀槩予豁免以除民累

一田租 是年除浙江淳安臨海瑞安陝西吳堡各縣坍荒

諭曰 十七年除甘肅狄道等十五州縣坍荒田租

十八年浙江山東竈地安徽太平縣福建臺灣府

及直隸四旗通判熱河八溝同知所轄田地其坍

荒者免科

二十一年廣東興寧以縣屬荒田免租

諭諸羅縣民陳天松等係海外窮黎懇荒追罰與抗欠額賦不同且歷年久遠上年臺屬又被災傷情殊可憫所有未完罰粟及折價銀兩著加恩卽予豁免

二十三年

上念山東海豐縣東北鄉黎敬等五莊低窪易澇

諭勘改下則徵收

二十九年免湖北漢陽縣積年坍田租凡五百五

十頃六十畝有奇

三十一年

諭曰滇省山多田少水陸可耕之地俱經墾闢無餘惟山麓河濱尚有曠土向令邊民墾種以供口食而定例山頭地角在三畝以上者照旱田十年之例水濱河尾在二畝以上者照水田六年之例陞科第念此等零星地土本與平原沃壤不同倘地方官經理不善一切丈量查勘胥吏恐不免從中滋擾嗣後滇省山頭地角水濱河尾俱著聽民耕種槩免陞科以杜分別查勘之累

又湖廣漢川縣河汶垸地勢低窪每多水患將垸

內上八總民田紅糧三則均改爲漁糧上則徵收其均田科則改爲漁糧下則徵收至下八總民地內應徵南米照上八總南米一併減免

三十六年除臨清及陵縣沙壓鹽嫌地畝租賦及江蘇江寧震澤清河坍荒田租其泰州坍荒田畝民逋悉除之
是年除江西袁贛饒建各衛所水冲沙壓屯田糧又直隸喀喇河屯廳所屬被水糧地并巴里坤墾不成熟地六千三百畝俱予免科

三十七年湖北江陵縣直隸永平河下口江蘇宿
 遷縣各修築月堤占廢田租並予豁免其水冲沙
 壓之江蘇靖江縣屬十頃二十八畝有奇甘肅中
 衛縣屬一千九百九十四畝陝西興平縣屬二十
 三頃五十二畝又邵陽縣屬五十餘頃一體免徵
 三十八年直隸文安大窪連絡四淀向來漲涸靡
 常

上念各業戶所有地畝積水佔田糧無所出雖水小時
 尚可佃漁覓利究不若力田收穫之多嗣後視積

水之多寡以定賦糧之等差水大則全行蠲除水
 小量行減賦

是年山西豐鎮廳屬旗地五百六十頃二十畝直
 隸涿州民地九十七畝浙江仁和場蕩地五千三
 百畝有奇均被水冲坍又湖北監利縣創築月堤
 佔壓田畝六十三頃有奇悉予免租

三十九年免浙江錢塘桐廬餘杭臨安烏程各縣
 屬及江蘇上元江寧清河六合上海江浦震澤銅
 山常熟各縣屬坍荒及築堤壓佔田賦又除直隸

懷柔縣屬江西新昌寧都等五州縣屬冲坍田賦
額租

四十年甘肅朔寧縣屬沙壓地一千三百餘畝應
徵芻糧永行豁除又免山丹縣草湖等渠坍沒地
七十七頃一十三畝田租

是年湖北監利縣築堤挖壓之軍屯田江蘇江寧
鎮洋丹徒各縣屬坍沒占廢田均予免科

四十一年除福建建陽臺灣縣屬江西新淦新城
縣屬江蘇桃源浙江仁和等縣屬冲坍田地租賦

又免江蘇丹徒縣屬廢田地漕米四百四十九石

有奇

四十二年免直隸喀喇河屯水冲沙壓地畝租賦

四十三年除江蘇常熟婁縣嘉定長州坍沒田租

及浙江仁和場三江場被潮坍沒龜課

四十四年除江蘇沿江坍沒田租及常熟嘉定所

屬坍沒田地漕賦并免甘肅高臺縣水冲沙壓地

畝額徵

四十五年

諭阿桂所奏修復馬港河西堤殘缺之處及接築無堤處所聯至北潮河西岸民堰以禦倒漾自應如此辦理其二套以下由北潮河入海之處既係路捷勢順設遇漫溢正可分洩盛漲俾尾閘益得暢達轉可不必添建閘壩雲梯關以外原不必與水爭地今二套以下既爲分洩盛漲之道則馬港河堤東灘地卽不能保無漫溢其應徵減則地畝錢糧著交薩載等查明奏請加恩豁免

是年色補丹孟津縣坍沒田租并甘肅平番碾伯

二縣被水冲沒地畝應徵芻糧永行豁免以免民累

四十七年浙江和仁場仁和倉三圍等處坍沒存減則地九百一十畝有奇自乾隆四十五年爲始令予豁免

四十八年浙江仁和場扶基等處糧地續被坍沒又直隸懷柔縣水冲地畝均予豁免額賦

四十九年

諭蘇州藩司所屬地丁漕項公田餘租等欵積欠銀糧

業經槩予蠲除因思吳縣公田已與民田一律交納
條銀漕米並加徵義租嗣因該縣有積年無著田糧
復於公田徵收餘租米二千二百餘石抵補無著虛
糧七百餘石外尚餘米一千四百餘石留為該縣地
方公用歷年均有拖欠民力拮据所有該縣無著田
糧除照舊於此項餘租徵收抵補外其留備地方公
用應徵米一千四百餘石著永免徵收

五十年免河南鄭州水冲堤壓廢地租賦

右免科

免役

順治元年除各旗壯丁差徭其糧草布疋亦永停

輸納

二年除江南丹徒丹陽二縣明末加派馬折銀

三年免浙江錢塘仁和縣開架房稅

七年除江南桐城濟山太湖宿松休寧句容六縣

逃丁額賦

十一年除江西逃丁額賦

十八年准江南江寧如臯海州民能修理烽墩馬

路者各免一年差徭

康熙十二年除河南僉派河夫

十六年禁有司罰民修築城樓梁口

三十三年

聖祖仁皇帝南巡免山東江南經行各州縣衛所丁銀

三十八年除江寧市廛歲輸房號廊鈔銀

五十二年

恩詔嗣後編審增益人丁止將滋生實數奏聞其徵收辦糧但據五十年丁冊定為常額永不加賦

五十四年定社倉捐穀免徭之例富民能捐穀五

石者免本身一年雜派差徭有多捐一倍二倍者

照數按年遞免

雍正二年禁官司科派大小文武官到任其屬官

或吏役均不得科派兵民供具或官司指稱修署

借端派累兵民者文照科歛武照尅扣律各坐罪

如上司官狗庇或勒令屬員修署供具者均論如

律又定官署內遇有所需用物照市價工給時直

不得科歛違者論

六年覈天下丁銀實數盡勾入地糧徵收永罷口

率之賦

八年

諭新設永順一府所屬永順龍山保靖桑植四縣火坑鋤

頭烟戶等名色錢一槩刪除令該戶自行開報墾地

方官給以印照永爲世業

十三年

皇上登極

諭山西大同偏關老營水泉三汛兵丁交納徭銀向在

餉銀內扣交每年徵銀六百八十兩有奇著自乾隆

元年爲始將此項蠲除永著爲例

是年除江南太平縣江夫河蓬雜賦

乾隆元年甘肅地震缺額丁賦湖北未經攤減丁

賦福建南平縣浮多丁賦江南網戶鮑魚折色銀

陝西坍地徭銀悉予免科

五年

諭曰朕聞江省歲額錢糧地丁漕項蘆課雜稅之外又

有名爲雜辦者不在地丁項下編徵仍入地丁項下

彙入分數奏銷欸目甚多沿自前明迄今賦役全書止編應解之數未開載出辦原委卽有開載出辦之處亦未編定如何徵收則例於是有闕額累官者有徵收累民者有累在官而因以及民者有累在民而因以及官者朕心軫念特頒諭旨除有欸可徵無累官民之項仍照舊徵解但須覈明則例立定章程明白曉示以杜浮收隱濶等弊其實在闕額有累官民者著督撫確勘請旨豁免

十一年除江蘇雜辦各賦江蘇雜辦錢糧有城租

吏養班餘米軍餉碾餉折穀等項均係有欸無徵

與五年原奉

諭旨相符至是奏明准以十一年爲始悉予豁免

又

諭曰從前朕巡幸直隸地方見城垣多有殘缺皆因不能隨時堵築以致出入踐踏踰越成路因令大學士等寄諭各督撫令其督率有司留心整飭嗣據巡撫碩色奏請分別工程一千兩以上者俟以工代賑之年動項與修一千兩以內者令該州縣分年修補除

土方小工酌用民力外其餘卽於工費項下支修朕將伊摺令各督撫閱看俾其仿照辦理但須善爲經紀勿致累民而各督撫中遂有因此奏請開捐土方並將各官養廉合力捐修者或經批示或經議駁俱未准行今鄂彌達覈奏摺內又稱按田起夫誠恐佔田之戶必派之佃田之家不若暫借稅銀生息以備修補等語此奏甚屬錯誤全不知朕本意矣蓋城垣爲國家保障其責全在地方官員其所以酌用民力者蓋因各處城垣偶有坍塌地方官並不查察任民踐踏甚且附近居民竟將城磚竊取以供私用是以令於農隙之際酌用本地方民夫補葺使民知城垣之設原以衛民已身曾用力於其間則遇有坍塌自然護惜不肯任意踐踏且隨時修補亦易爲力此上下相維之義並非令其按田起夫竟成賦額之外增一力役之征也如鄂彌達摺內所稱者恐各省督撫亦錯會朕旨或致辦理未善致有累民之處用是特頒此旨曉諭各督撫知之

二十七年令生監不得濫充社長圩長牙行埠頭

各項雜役

三十七年

諭李瀚奏請停編審造冊所見甚是編審人丁舊例原因生齒繁滋恐有漏戶避差之弊是以每屆五年查編造冊以備考核今丁銀既皆攤入地糧而滋生人戶又欽遵康熙五十二年

皇祖恩旨永不加賦則五年編審不過沿襲虛文無裨實政况各省民穀細數俱經該督撫於年底專摺奏報戶部核實具題是戶口之歲增繁盛俱可按籍而稽

更無藉五年一次之口乃行查辦嗣後編審之例著永行停止

三十八年

諭今年七月間據陳輝祖奏請將該省民屯新墾丁銀隨年攤徵批交該部議奏旋經戶部覈准並請行查各督撫就本省情形酌籌妥議具奏嗣據直隸等省陸續議奏大槩請仍舊制者居多則陳輝祖所奏及該部所議皆未為得當國家承平休養百有餘年間閭生齒日繁歲有增益向來編審人丁按丁科則自

康熙五十二年我皇祖特頒恩詔永不加賦卽以是年丁糧之數作爲定額朕臨御以來無時不以愛養斯民爲念詎肯於丁糧區區毫末之賦稍存計較乎若以新墾民屯地畝復將丁銀隨年攤納是與小民較及錙銖尤非惠下恤民之道所有各省辦理丁糧一事無論已未覈奏俱著悉仍其舊毋庸另議更張其湖北長蘆二處已經該部覈准者亦不必行仍令照舊辦理

皇朝文獻通考卷四十四



